

勉荷屬華僑學生會

榮光不到南洋荷屬，忽忽八年矣。然以地近吾國門外，閩粵人來往不絕，又嶺南大學之華僑學校，榮光所經營也。學生由荷屬來者不少，時而傳述居留地狀況。據余個人聞見所及，以爲華僑在世界各國中，比較以荷屬生活爲優，農工商業較盛。僑民所立學校，則最發達。雖辦理教育，其中有種種困難，如校董多屬外行，教員或不稱職，經費缺乏來源，教科不適實用等。尤其是荷蘭政府，近年厲行壓迫我華僑，百端限制我僑民教育，必消滅之而後已。而日本南進政策，對於我僑胞在荷屬數百年基業幾有取而代之之勢。計念及此，實可寒心！及今聯合奮鬥，尙可一致維持，無論維持及圖謀發展，惟有教育一途。頃閱 貴會出版季刊，深佩諸君努力於華僑教育，由此繼續不懈，不特使吾僑胞子弟接受祖國之文化，推而至荷屬土人，與凡各國在荷屬土生子弟，亦使全爲東方文化所漸漬，與西方文化同爐而冶，將今日之屬土，卽他年之新國，是 孫總理期望世界平等自由之意也。願與 諸君勉之。

中華民國大學院華僑教育委員會主任鍾榮光